



DEO OPTIMO MAX.
UNI ET TRINO,

VIRGINI DEI-PARÆ, ET S. LUCE
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè disutienda in Scholis Medicorum, die Jovis vigesima-secundâ mensis
Februarii, anno Domini M. DCC. LIII.

M. CLAUDIO - JOSEPHO GENTIL, Doctore
Medico, Præside.

An à Semine, partium robur.

I.



ESTES inter & solidas corporis partes viget consensus quidam, harmonia singularis : id observarunt Veteres & Neoterici : quibus autem legibus scædus hoc sancitum est? Certant, & hanc circa litem duplex est sententia : alii è solidis ad testes, dum alii è testibus ad solida derivari societatis hujus vincula contendunt. Veteres priorem sententiam amplexi, ab humoribus, peractâ nutritione, accretioneque partium, residuis semen fingi autumabant ; hinc, in explicando, semen inseri atque corporis partes remotissimas commercio, non ancipites hærebant ; dum

A

pilos barbamque ad eandem, ut & semen, revocarent originem; ortus & discessus eorum, solidarum partium statum, videbant semini concordēs: sed desceſcebant à veritate, & pro cauſa habebant effectum: ſi res ita ageretur, ſemine deſiciente, pilorum ut & barbæ eſſet amplior luxuries, ſemine, ſymbolam ſuam in eorum proventum reſundente.

Inter primarios humani corporis liquores jure recipitur ſemen; incipit ſecretio ejus, ubi corpore jam ſerè adepto incrementi *auxilium*, ſit minus ſucci nutritii diſpendium; arteriæ ſpermatice ſanguinem ſecretioni huic dicatum vehunt; non minores, poſt multas diſiſiones, adeunt Teſtes, quos arteriarum diſiſiones meritò habueris; in dædaleis teſtium anfractibus, labore longo, moleque multâ ſeparatur genitalis liquor, ſerendus indead veſiculas ſeminales; aggeritur ſervaturque in his cryptis, ad partem poſticam veſicæ appoſitis. Cui placet vita longa, cum robore ſanæque mente, credet hunc liquorem eſſe *oleum vitæ*, quod in ſui *habituaculo ſervabit ſapiens, dum imprudens diſſipabit illud*. Seminis pars generationis operi dicatur, ne verò omne putes impendendum, aliter errorem tui iplius detrimento lues ociùs. Ut vides à cerebro vitam & ſenſum in omnes partes, ſic à teſtibus robur diſſundi credas.

I I.

CORPUS ſolidis & fluidis conſtat partibus quæ duello inter ſe luſtantur continuo; vincentibus fluidis, imparia extenduntur ſolida, elongantur, & durat elongatio ſive incrementum uſque dum parem oppugnantibus obſciant reſiſtentiam, æquo Marte tum dimicatur utrinque; qui ſtatus rerum noſtrarum ſi longum perſeveraret, tardior ingrueret mortalibus fati neceſſitas; ſed quæ priùs victa ceſſerant, ſolidis deinde redit victoria, reſiſtunt nimia vi, ſectique indocilia rigidam mortem paulatim arceſſunt.

Ex his intelligitur, mollium vaſculorum congeries, ſectus, quàm facile capiat incrementum: ſolida inter & fluida æquilibrato jure, corporis accretio facta eſt. Quod pro regionibus, pro temperamenti variare admodum experimur. Nihil tunc agendum ſuper eſt? Minimè: opus pendet interruptum, habes corpus ingens & procerum, magnos membrorum artus, lacertos ingentes, latum thoracem, os vultumque viri; fronti nulla fides, molem informem demiraris, niſi ſubtilis mobilisque materies ſe ſe magno huic corpori permisceat, influxuque cujuſdam ſpiritus animaverit. Hæc niſi virtus accedat, quem credis marem eſſe, infirmus erit, imbecillus, iners, ut corpore ſic & mente minor: fibræ malè laxæ vix inter ſe cohærent, lentæ, languidæ molliæ diſfluunt, deest tonus & *ſenſibilitas*, animi & corporis muniis obeundis omnino impares. Vis latè fortiterque vitâ perfrui? Sringendæ, coadunandæ, ſtimulandæ fibræ, addendum robur & vis elateris. Unde hæc ſeres? niſi à liquore, qui donetur partibus ſpirituofis, penetrantibus, vigeat mobilitate, qui gravem molem ſuccutere poſſit, & corporis artus pigros excitare actuofâ *ènergie*. Neque has putes à lymphâ partes fuſlineri poſſe, quæ ſimplex, inerti ſeſe promovet gradu, neque calidis, neque ſpirituofis emicat partibus. Fortè exiſtimaveris à nerveo ſucco præſtari lymphæ dotes requiſitas; ſed exemplo ſuo id reſellunt Eunuchi, qui, ſi hæ cauſæ ſufficerent, non differrent à viris.

I I I.

QUÆ requiruntur partium robori conſtituendo neceſſaria, ſperes à ſemine; nec vana te luſerit ſpes. Liquor eſt ſummè mobilis, calens, plenus aurâ vitali, ubique diſſuſus; continuâ ſecretione paratus, parè tamen & moderatè excer-

nendus; testibus separatus, refluit in receptaculum ubi facit moram; pars una veteretur generationi, dum altera nec minor, resorpta relegit circulationis vias. Ubi-que in corpore intus & extus vasa adfunt inhalantia, ut exhalantia: sic pleni rimarum, dum hinc disfluimus, illinc per alias rimas non nihil reficimur. Eadem mechanicâ, aliena licet corpori, resorbetur aqua in abdomine effusa. Ita est de femine: vesiculæ quæ illud continent, scatent vasculis, porulis, ut & nervorum infinitis propaginis; quæ omnia oscula dum hiare amant, fluidi stagnantis hauriunt partem, devehunt ulterius, & eum fibris ultimis, mobilem spirituosumque liquorem deferendo, robor, tonum, *sensibilitatem* communicant. Partes durissimæ etiam post mortem, odorem virosum & spermaticum adhuc olent; si enim ossa duo acceperis, & alterum alteri invicem alliseris, tibi spirabunt feminis odorem, qui odor nasum veterum non fugit. Reluctaris adhuc? suadeant convincantque effectus, quos alteri fluido, non sine injuriâ femini allatâ, ascribas. Quemlibet respice, priusquàm pubertatis signis gaudeat: pulsus debilis erat & mobilis, fluida mitia, hæmorrhagiæ non infrequentes, morbi comitiales, cutis madida & laxa, vox tenuis & feminea, animi ut corporis vires invalidæ: tangit tandem pubertatis limen: intra paucos menses puer quantum mutatur ab ipso! jam jam erupturum tumultuatur semen, quot mala, quot procellæ ingruunt tunc sub portum! omnes partes in hanc actionem conspirant, laborant, ægrotant usque dum evolvantur prima feminis elementa; tum placatur tumultus omnis; qui puer mox erat, salutes hominem, exuviis puerilibus positus novus, marem induisse exultat, vertitur omnis in melius: organicæ partes vegetiores, alacriores, vivaciores, pulsus fortior, grandior respiratio, facilius digestio, transpiratio liberior: virtus nova pectori, nova vis & ignota apponitur corpori. Imò fibræ cerebri tonum novum recipiunt; tunc digniora morientur: quæ amabat heri, pernix hodie relinquere, & ut virile corpus, animum virilem induit. Quæ sunt intus, brevè se produnt mutationes: vocis illius fractæ & citharistræ capit locum mascula, glabræ levisque prius genæ horrent nunc pilis decentibus, è capsulis cartilagineis erumpunt villi qui axillam pubemque protegunt, & fugam maturant morbi omnes qui oriebantur à vappidioribus placidioribusque humoribus, aut à nimia fibrarum debilitate, Nonne hæc omnia testantur resorptionem feminis, quo, dispersæ prius, colliguntur, coadunantur, firmantur fibræ; propulsæ tunc nervorum extremitates effingunt pilos, quibus decorantur partes, quæ aliter nunquam efflourissent. Vides quare castratis cervis non redeant cornua, decidunt cæteris, cum incensi veneris æstro, ingentem feminis profluvium patiuntur, cur denique, furore extincto, renascantur uberius. Quid faciat præsens in corpore semen, patet; fugerit autem è corpore; quid simus, quo recidamus tunc, dum modo nostri non pudeat nos, perpendamus.

I V.

EXSICCATUR feminis vena, vel quia benigna parum id natura negavit: ita frigidis, *maleficiatis*, spadonibus deest; vel quia nobilia organa per morbum aut ferrum funerata sunt: ita sunt Eunuchi castratique. Illi, infirmi, causarii, piritrosi, imbelles, languidi, totum ipsis corpus scatet serosis humoribus, & dum fibræ tum sensationis, tum motus instrumenta *sensibilitate* carent, stipites stant immobiles, nullâ re objectâ excitati. Hi verò plus minusve dolent, pro tempore quo instituta fuit operatio, pro causis *antecedentibus*, pro temperamentis: si facta fuerit operatio ante pubertatem, vel priusquàm sufficiens facta fuerit feminis resorptio, totâ vitâ manent imperfecti, nec fæminæ, nec viri, utriusque sexus vitiis mulctati, neutrius virtutibus adjuti, molles, ignavi, turpes, laboris impatientes sunt, quibus mala mens subest, malus animus omnibus perosus, omnibus fugiendus; & Romani à foro, Christiani ab aris arcet religiosissimè: quibus datur beatiorē

fortem sibi congratulari, caveant ne munera naturæ invertentes, vitæ suæ conditionem deteriores faciant; sin minus, ipsorum cervicibus mala impendent innumerabilia. Illis stomachus debilitatur, vultus pallefcit, vîsus fit obscurus, languent, relaxantur nervi, titubant artus, dolent articuli, fluxiones promoventur, coctio imminuit, excrementa congeruntur, honos capitis ut & vultus decidit brevi, ungues livefcunt, frons juvenilis rugosa & hispida, vitalis facultas languida, intellectus hebes, infida memoria, vires fluxæ, exsolutæ, tandem partes organicae omnes quæ præfente semine vigeabant, absente, nullæ sunt; ex hoc fluido accedebat ad solida robur, vis, elater, sanitas; eo decedente, cuncta simul bona decedent.

V.

EX nostrâ hâc thesi fluit explicatio multorum phaenomenôn pathologicorum; non fugit quare malè affecto semine solida partes luant præprimis pœnas, malumque in ossa cartilaginefque celerrimè proferpat, dum molles partes relinquit intactas. Sic videmus in Syphilide, cum labes ingens jam ossibus illata sit, vix mutationem aliquam in visceribus deprehendi. Patet itidem cur parentes malè sani, semen iners sortiti, educant vitiosiores fœtus, quorum ossa & cartilagine patrum culpas incusant. Tandem, quantâ fundi sui calamitate venerem quærant infirmi, debiles, vulnerati, dum excernunt temerè, quod meliùs sui que commodò cederet in robur, vel reparationem corporis. Necquicquam conclusionibus nostris officit, cruda viridisque senectus, juvenum viribus & robore gaudens, eos enim senes interroga, & cognosces rariùs cautèque sub vexillo veneris militasse: præterea ne credas cum tentigine venerèâ, abire secretionem seminis, quædam secernitur quantitas, sed resorbenda. Nec magis eruunt propositionem animalia quæ in monstorum classèm reponunt *Naturalista*. Hybridæ enim, parentibus pejores, familiæ primi & ultimi sunt; genitalia propendent, sed pondus inutile & sine honore, dum licet organum experiantur, semen profluat, fiat copulatio, operantur nihil. Præterea non mirum esset, si fortè patribus non inferiores, imò superiores valeret: spermaticis enim organis donantur, canale deferenti, vesiculis seminalibus, separatur semen; infecundum licet, utile resorberi potest & fœcundi seminis effectus edere; si causam quæras sterilitatis animalium optimè *conformatorum*, à quibus, si genitalia respicias, sperabis prolem; non licet invenire, nisi in decreto Dei qui eadem in orbe servari, multiplicari species voluit, neque confundi quas creavit.

Ergo à Semine, partium robur.

DOMINI DOCTORES DISPUTATURI.

<i>M. Joannes-Francisus Paris.</i>	<i>M. Ludovicus - Gabriel Dupré.</i>	<i>M. Joannes - Baptista - Thomas Marineng, Ex-Decanus & Academia Censor.</i>
<i>M. Dionysius - Claudius Doucet.</i>	<i>M. Anspinus Petit, Chirurgia & Artis Obstetricia Professor.</i>	<i>M. Franciscus Pouffe, Eques.</i>
<i>M. Bartholomæus - Tuffanus Le Clerc, Medicus Regis ordinarius.</i>	<i>M. Stephanus Poursour du Petit.</i>	<i>M. Camillus Falconet, salubris Consilii Regii Socius & Regiæ Numismatum Academia.</i>

Proponebat Parisiis HENRICUS - JACOBUS MACQUART, Remus;
Doctor Medicus Remensis, nec non Saluberrimæ Facultatis Medicinæ Parisiensis Baccalaureus, Theseos Author, A. R. S. H. 1753.

A SEXTA AD MERIDIEM.

Typis Viduæ QUILLAU, Universitatis & Facultatis Medicinæ Typographi, 1753.